



D. JULIO PUGA QUINTAS, SECRETARIO DO CONCELLO DE
MACEDA (OURENSE),

CERTIFICO:

Que, o Pleno da Corporación, en sesión celebrada no día
da data, adoptou o acordo que, na súa parte dispositiva di:

"CREACIÓN DA INSTITUCIÓN "DEFENSOR DAS XERACIÓNS
FUTURAS": Intervén a Concelleira D^a Beatriz Cuenca Valera, para expoñe-
la proposta que di literalmente:

*"De acordo co previsto no Regulamento da Administración local, o Grupo Municipal de
Compromiso por Galicia do Concello de Maceda desexa someter a debate do Pleno da
Corporación a seguinte proposta:*

Exposición de Motivos

*Existen numerosos instrumentos internacionais de protección ambiental que defenden ás
xeracións futuras fronte á acción da humanidade do presente.*

*O Informe Brundtland "Nosso Futuro Común" no 1987 sinala: "Tomamos prestado capital do
medio ambiente das xeracións presentes e futuras".*

*O principio 3, da Declaración de Rio 1992 declara que "o dereito o desenvolvemento debe
exercerse en forma tal que responda equitativamente ás necesidades de ambientais e
desenvolvemento das xeracións presentes e futuras".*

*A Declaración sobre a Responsabilidade das Xeracións Presentes fronte ás Xeracións
Futuras formulada pola UNESCO no ano 1997 invita formalmente as institucións públicas a
prepararse resoltamente a salvagardar as necesidades e os intereses das xeracións
futuras cun espírito de solidariedade.*

O imperativo moral que esixe que se formulen para as xeracións presentes unhas

directrices sobre o comportamento que cabe observar dentro dunha perspectiva de conxunto aberta ó porvir xa está pódose en práctica a través de institucións en diferentes países. Non en vano, en Suecia ou Finlandia existen figuras de protección ambiental con base na protección das xeracións futuras. Tamén Hungría institúe o Comisionado Parlamentario para as Xeracións Futuras, Bélxica a Fundación para as Xeracións Futuras, Alemania a Fundación para os Dereitos das Xeracións Futuras e no Reino Unido se ha proposto unha terceira Cámara Parlamentaria denominada Cámara dos Gardiáns do Futuro (xunto ás Cámaras dos Lores e a dos Comúns), para velar polos recursos das próximas xeracións

Tendo presente que na Carta das Nacións Unidas os pobos da Terra expresaron a súa vontade de "preservar ás xeracións vindeiras" así como os valores e principios que consagra a Declaración Universal de Dereitos Humanos.

Tomando en consideración as disposicións do Pacto Internacional de Dereitos Económicos, Sociais e Culturais, e do Pacto Internacional de Dereitos Cívicos e Políticos, aprobados o 16 de Decembro de 1966, e tamén as da Convención sobre os Dereitos do Neno aprobada o 20 de Novembro de 1989.

Preocupados pola sorte das xeracións futuras ante os desafíos vitais que plantexa o próximo milenio e consciente de que nesta etapa da historia corre serio perigo a perpetuación mesma da humanidade e o seu medio ambiente.

Afirmando a necesidade de establecer novos vínculos equitativos e globais de cooperación e solidariedade entre as xeracións de promover a solidariedade entre xeracións no marco da continuidade da humanidade, co afán de preservar o noso entorno, en beneficio das xeracións futuras.

Recordando que as responsabilidades das actuais xeracións para as futuras xa se ten mencionado en distintos instrumentos xurídicos como a Convención para a Protección do Patrimonio Mundial, Cultural e Natural, aprobada pola Conferencia Xeral da UNESCO o 16 de Novembro de 1972, o Convenio sobre a Diversidade Biolóxica aprobado en Río de Xaneiro o 5 de Xuño de 1992, a Declaración de Río sobre o Medio Ambiente e o desenvolvemento aprobada pola Conferencia das Nacións Unidas sobre o Medio Ambiente e



o Desenvolvemento o 14 de Xuño de 1992, a Declaración e o Programa de Acción de Viena aprobados pola Conferencia Mundial de Dereitos Humanos o 25 de Xuño de 1993, e as resolucións da Asemblea Xeral das Nacións Unidas sobre a protección do clima mundial para as xeracións presentes e futuras aprobadas dende 1990.

Recoñecendo que a tarefa de garantir a protección das xeracións futuras, en especial mediante a educación, constitúe unha parte importante da misión ética fundamental das institucións públicas.

Advertindo que o destino das xeracións vindeiras depende das decisións e medidas que se tomen hoxe, que os problemas actuais deben resolverse por conseguinte o prol do interese das xeracións presentes e futuras, e que a pobreza extrema, o subdesenvolvemento, a exclusión e a discriminación representan un perigo para as xeracións presentes e dan lugar a consecuencias nefastas para as vindeiras, invitando as institucións públicas a prepararse para salvagardar dende agora as necesidades e os intereses das xeracións futuras cun espírito de solidariedade, sendo conscientes da incerteza actual no panorama internacional en relación á adaptación ó cambio climático.

Sométese á consideración do Reno a aprobación da seguinte

PRIMEIRO.- Propoñer á Nacións Unidas, como organismo representante dos pobos da Terra, a creación da institución do "Defensor/a das Xeracións Futuras".

SEGUNDO.- Propoñer ó Parlamento Europeo, como representante da soberanía popular dos pobos de Europa, a creación da institución do "Defensor/a das Xeracións Futuras".

TERCEIRO.- Propoñer ó Congreso dos Deputados, como representante da soberanía popular do Estado, a creación da institución do "Defensor/a das Xeracións Futuras".

CUARTO.- Propoñer ó Parlamento de Galicia, como representante da soberanía popular do pobo galego, a creación da institución do "Defensor/a das Xeracións Futuras".

QUINTO.- Comunicar á Fundación Savia a aprobación desta moción. Maceda, 23 de Maio de 2018. Asdo.: Beatriz Cuenca Valera. Concelleira de Compromiso por Galicia."

O Pleno da Corporación acorda por unanimidade aproba-la proposta en tódolos seus termos."

E para que conste, e coas reservas a que fai referencia o artigo 206 do Regulamento de Organización, Funcionamento e Réxime Xurídico das Entidades Locais, expido a presente certificación, en Maceda a trinta e un de maio de dous mil dezaioito.

VISTO E PRACE,
O ALCALDE,

